



**Minneapolis Lub Tuam Tsev Hauj Lwm Ntsig  
Txog Tub Ceev Xwm  
Phau Ntawv Qhia Siv Txoj Cai thiab Txheej  
Txheem**

Nab Npawb:  
7-800

**Xuv Xya – Cov Kev Ua Hauj Lwm Sab Nrauv**

**Kev Pab Fab Kev Tawm Tswv Yim**

**7-810 Cov Xwm Txheej Uas Muaj Kev Phomsij**  
(09/21/07) (04/21/09) (07/21/16) (06/30/20)

**I. Lub Hom Phiaj**

- A. MPD thiab nws cov neeg ua hauj lwm nkag siab tias kev ua cov luag haujlwm ntawm cov dejnum rau cov neeg tuav txojcai yeej ib txwm muaj kev maj thiab tej lub sijhawm tej xwm txheej tshwmsim ntawd muaj feem raug mob rau lub cev thiab lub siab kev xav rau tus tub ceevxwm. Twb yog vim li ntawd thiaj li yog ib qho tseemcee rau lub chaw ua dejnum tsim cov cai thiab txheej txheem for pab rau cov xwmtxheej uas raug sab mob hnyav kom cov neeg ua haujlwm muaj kev tso siab rau txojkev nyabxeeb rau cov uas nrhiav kev pab thaum nws tiv cov xwm txheej uas muaj kev phomsij lossis raug mob loj rau txojkev xav.
- B. . Txojcai no yuav muab coj los siv raws li lub tuam tsev txojkev ntshaw los kho cov neeg ua haujlwm uas raug cov xwm txheej no los ntawm kev txhuag ntsej muaj, thiab kev hwm nws rau lub sijhawm zoo li ntawd thiab muab ntaub ntawv thiab kev pab rau lawv thaum muaj kev txhawj xeeb txog qhov lawv muaj kev koom rau hauv qhov xwm txheej uas muaj kev phomsij thiab raug kev puag ntsoog, lawv kev zoo zuj zuj tuaj tuaj thiab rov mus ua haujlwm.
- C. Dhau li no lawm lub tuam tsev kuj lees paub tias kev muaj cov qauv cai thiab cov txheej txheem uas teeb tseg Cov Xwm Txheej Uas Muaj Kev Phomsij yog ib qho tseem ceeb los pab txhawb txhawm pab kev nog plaub rau cov neeg uas xav tias muaj kev txhaum, thiab txhawm kom zej tsoom muaj kev nyab xeeb thiab txhawm rau pab txhawb zej tsoom li kev ntseeg siab nyob rau hauv lub tuam tsev hauj lwm qhov kev lis hauj lwm rau Cov Xwm Txheej Uas Muaj Kev Phomsij.
- D. Nws yog lub hom phiaj ntawm txojcai no los tsim kev tshawb xyuas thiab cov txheej txheem kom muaj kev nyabxeeb thiab cov tub ceevxwm muaj kev noj qab nyob zoo rau lub sijhawm txhawb kev yab xeeb rau pejxeem thiab muaj kev tso siab rau hauv Cov Xwm Txheej Uas Muaj Kev Phomsij.

**II. Cov Ntsiab Lus**

**Cov Xwm Txheej Tseem Ceeb:** Qhov xwm txheej uas tshwmsim muaj rau hauv kab luag hauj lwm:

- Qhov kev siv Dag Zog Uas Muaj Kev Phom Sij Txog Txoj Sia los ntawm los sis rau Minneapolis Tus Tub Ceev Xwm

- Kev Tuag lossis kev puas ntsoog rau tus tub ceev xwm lub cev
- Kev Tuag lossis kev puas ntsoog rau ib tug neeg uas raug tub ceevxwm ntes lossis tswj kav los ntawm tus tub ceev xwm
- Tej kev nqis tes los ntawm tus tub ceev xwm uas tsim rau lossis txhob txwm tsim kom tuag kom muaj Puas Ntsoog Rau Lub Cev.

**Muaj puas ntsoog loj rau lub cev :** Kev raug mob rau lub cev uas muaj tuag taus lossis ua rau tuag, ua rau lub cev puas tau lossis tus tes tus taws, lossis lub xiam oob qab tsis ua haujlwm li qub lossis puav nruab nrog.

### **Kev Tshawb Xyuas:**

#### **Lub Chaw Tshawb Xyuas Kev Kav Tswj (Administrative Investigating Entity):**

Minneapolis Lub Tuam Tsev Hauj Lwm Ntsig Txog Tub Ceev Xwm lub chaw saib xyuas Hauj Lwm Sab Hauv (Internal Affairs unit, IAU), tshwj tsis yog muaj kev teeb tseg ua lwm yam los ntawm tus Thawj Coj Tub Ceev Xwm los sis lawv tus neeg uas tau teeb tsa. Lub Chaw Tshawb Xyuas Kev Kav Tswj muaj lub luag hauj lwm rau kev tshawb xyuas fab kev kav tswj Qhov Xwm Txheej Tseem Ceeb uas suav nrog kev ntsuam xyuas kev ua raws li txoj cai, thiab kev txheeb xyuas kev tsis ua raws li txoj cai, cov teeb meem kev tawm tswv yim thiab kev cob qhia, thiab cov teeb meem kev lav ris fab cai lij choj kev tub sab tub nyiag uas muaj feem tshwm sim.

**Tus Thawj Coj Tus Sawv Cev ( Chief’s Proxy):** Tus Thawj Coj Saib Xyuas Ntawm lub chaw saib xyuas Hauj Lwm Sab Hauv - lossis lawv tus neeg uas lawv xaiv los rau thaum nyob tom qhov chaw muaj xwm txheej, ua kev nqis tes sawv cev rau Tus Thawj Coj ntawm Tub Ceev Xwm, uas yog tus uas muaj lub hwjchim siab tshaj plaws los cuam tshuam pab kev tshawb xyuas plaub ntug ntawm kev ua txhaum thiab txib haujlwm rau MPD txhua tus neeg ua haujlwm los pov thaiv qhov kev ncaj ncees ntawm cov kev tshawb nrhiav.

#### **Lub Chaw Tshawb Xyuas Plaub Ntug Kev Ua Txhaum (Criminal Investigating**

**Entity):** Lub Minneapolis Police Department Chav Saiv Xyuas Kev Tua Neeg ( Homocide unit), tshwj tsis yog kev xaiv los ntawm tus Thawj Tub Ceev Xwm lossis tus neeg uas lawv xaiv los . Lub Chaw Tshawb Xyuas Plaub Ntug Kev Ua Txhaum muaj lub luag hauj lwm los rau kev tshawb xyuas plaub ntug kev ua txhaum ntawm Qhov Xwm Txheej Uas Muaj Kev Phomsij.

**Cov Neeg Tshawb Xyuas (Investigators):** Tagnrho cov neeg ntawm MPD lub chaw saib xyuas Kev Tua Neeg thiab lub chaw saib xyuas Hauj Lwm Sab Hauv uas ua kev tshawb xyuas ntawm Qhov Xwm Txheej Uas Muaj Kev Phomsij, tshwj tsis yog lwm Lub Chaw Tshawb Xyuas Plaub Ntug Kev Ua Txhaum Cai thiab Lub Chaw Tshawb Xyuas Kev Tswj uas tau xaiv los ntawm Tus Thawj Tub Ceev Xwm lossis tus neeg lawv xaiv tsa.

**Tus Thawj Coj Tshawb Xyuas:** Tus Neeg Tshawb Xyuas uas ua qhov kev tshawb xyuas pluab ntug kev ua txhaum cai lossis tus neeg lawv xaiv tsa rau thaum nyob pem qhov chaw muaj xwm txheej. Tus Thawj Coj Tshawb Xyuas yuav tsum yog tus neeg los ntawm MPD lub chaw saib xyuas Kev Tua Neeg, tshwj tsis yog tus lawv xaiv tsa .

**Lub Chaw Hauj Lwm Loj - Kev Tshawb Xyuas:** MPD Lub Chaw Ua Hauj Lwm Saib Xyuas Kev Tua Neeg lossis lwm lub chaw uas Tus Thawj Coj Tshawb Xyuas xaiv, uas cov Tub Ceev Xwm Uas Pom sib sau uake tamsim tom qab qhov xwm txheej uas muaj kev phomsij rau cov hom phiaj los sib ntsib txhob txwm los tham nrog tus kws lij choj, tus neeg ua haujlwm rau hauv Qhov Kev Pabcuam Rau Cov Tub Ceevxwm (Police Assistance Program, PAP), tham nrog cov neeg tshawb nrhiav, thiab nyoo muab cov phom lossis lwm cov cuab yeej raws li muaj kev tsim nyog.

**Lub Chaw Hauj Lwm Loj- Chav rau cov Tub Ceev Xwm Uas Raug Kev Cuam Tshuam:** Lub chaw uas tau teem tseg los ntawm Tus Thawj Coj Tshawb Xyuas uas Cov Tub Ceev Xwm raug kev Cuam Tshuam sib sau -uake kias tamsim tom qab qhov xwm txheej uas muaj kev phomsij rau cov hom phiaj kom muaj kev so, kev sib tham nrog rau tus kws lij choj, Tus Tub Ceev Xwm Tus Xibfwb, Tus neeg ua haujlwm rau Qhov Kev Pabcuam Rau cov Tub Ceev Xwm (Police Assistance Program, PAP) , tham nrog cov neeg tshawb nrhiav, thiab nyoo muab cov phom lossis lwm cov cuab yeej raws li muaj kev tsim nyog.

**Tus Kws Kho Kev Nyuaj Siab (Mental Health Professional, MHP):** Tus kws kho kev nyuaj siab, tus kws tham kev nyuaj siab lossis Qhov Kev Pabcuam Rau cov Tub Ceev Xwm (Police Assistance Program, PAP) tus kws sab laj uas muaj ntaub ntawv cog lus uas nyob rau hauv Lub Koom Haum thiab Nroog daim npe txhawm rau sib tham nrog cov tub ceev xwm uas cuam tshuam rau Cov Xwm Txheej Tseem Ceeb. Lub Khoos Kas Pab Txhawb Tub Ceev Xwm (Police Assistance Program, PAP) ua tus sawv cev ceev cia daim npe.

#### **Cov Tub Ceev Xwm:**

**Tus Neeg Nrog Tuaj:** Tus tub ceev xwm uas tau teeb tsa los ntawm Tus Thawj Coj Saib Xyuas Xwm Txheej nyob rau hauv qhov chaw muaj xwm txheej txhawm rau nyob nrog Tus Tub Ceev Xwm Uas Tau Cuam Tshuam thiab tej Cov Tub Ceev Xwm Ua Pov Thawj Tim Khawv kom txog thaum Cov Neeg Txhawb Xyuas tso tias tawm mus tau. Thaum twg los xij tsuav ua tau, Cov Neeg Nrog Tuaj uas tau muab cob rau Cov Tub Ceev Xwm Uas Tau Cuam Tshuam yuav tsum yog nyob rau qib tus tub rog loj (sergeant) los sis siab tshaj ntawd.

**Tus Thawj Coj Saib Xyuas Qhov Xwm Txheej:** MPD tus thawj coj saib xyuas hauj lwm uas ncig xyuas nyob rau hauv qhov chaw muaj xwm txheej uas txib hauj lwm thiab tswj qhov chaw muaj xwm txheej.

**Tus Tub Ceev Xwm Uas Tau Cuam Tshuam:** Tus tub ceev xwm uas muaj kev koom tes rau qhov kev nqis tes uas ua rau muaj Qhov Xwm Txheej Tseem Ceeb.

**Tus Tub Ceev Xwm Uas Ua Pov Thawj Tim Khawv:** Tus tub ceev xwm uas ua pov thawj tim khawv rau Qhov Xwm Txheej Tseem Ceeb, tab sis tsis muaj kev koom tes nrog tej qhov kev nqis tes uas ua rau muaj Qhov Xwm Txheej Tseem Ceeb.

#### **Cov Ntawv Tshaj Tawm thiab Cov Ntawv Qhia:**

**Daim Ntawv Tshaj Tawm Ntawm Tub Ceev Xwm:** Daim ntawv tshaj tawm los sis daim ntawv qhia nyob rau hauv daim ntawv tshaj tawm uas muaj tub ceev xwm tus as khauj ntawm qhov xwm txheej thiab raug ntaus nkag mus rau hauv MPD Txheej Teg Kev Ua Hauj Lwm Tswj Ntaub Ntawv Sau Tseg.

**Daim Ntawv Qhia Txog Kev Nyab Xeeb Ntawm Zej Tsoom:** Daim ntawv qhia uas yuam siv los ntawm Cov Tub Ceev Xwm Uas Tau Cuam Tshuam uas muab cov ntaub ntawv uas muaj kev tsim nyog txhawm rau ua kom ntseeg siab tias zej tsoom muaj kev nyab xeeb. Tej zaum qhov no yuav suav nrog cov lus nug hais txog seem kev uas Tus Tub Ceev Xwm Uas Tau Cuam Tshuam tau tua lawv rab phom, cov neeg uas raug mob, qhov chaw siv cov riam phom uas muaj kev phom sij los sis cov ntaub ntawv kev paub txog tej cov neeg uas xav tias muaj kev txhaum uas tseem nyob rau hauv qhov chaw dav thiab lwm cov ntaub ntawv uas muaj kev tsim nyog txhawm rau pab kev yooj yim rau qhov kev pib qhov kev tshawb xyuas.

**Daim Ntawv Qhia Txog Kev Yeem:** Daim ntawv qhia uas tau muab los ntawm Cov Tub Ceev Xwm Uas Tau Cuam Tshuam los sis Ua Pov Thawj Tim Khawv rau Lub Chaw Ua Hauj Lwm Tshawb Xyuas Cov Neeg Tshawb Xyuas uas yog kev yeem thiab sau hais txog cov kev qhia meej tseeb uas tau cuam tshuam rau Qhov Xwm Txheej Tseem Ceeb. Cov ntawv qhia txog kev yeem los ntawm cov tub ceev xwm yog muaj kev tsim nyog rau kev foob plaub ntug fab kev ua phem rau cov neeg uas xav tias muaj kev txhaum, kev pov thaiv cov tub ceev xwm, thiab kev ceev cia zej zog li kev ntseeg siab los ntawm kev muab cov ntaub ntawv kev paub txaus rau Tus Thawj Coj Tub Ceev Xwm txhawm rau daws cov kev hnyav siab raws li phim. Cov ntawv qhia txog kev yeem yuav tau ua - ua tus qauv lus nug thiab lus teb (Q&A).

### III. Txoj Cai

#### A. Kev Teeb Sij Hawm Kev Tshaj Tawm

Cov tub ceevxwm uas pom thiab koomtes nrog yuav tsum ua cov ntaub ntawv qhia kom tiav, lossis qhia cov lus kom tag rau tub ceevxwm daim ntawv qhia kom sai tau raws li caijnyoog pub. Thaum tsis tau ua daim ntawv qhia yog thaum tus Thawj txo tes haujlwm ntawd xwb. Tej kev tso cai los txo in tug tub ceevxwm tej dejnum yuav tsum yog los ntawm tus Thawj.

#### B. Cov Ntawv Tshaj Tawm Ntawm Tub Ceev Xwm thiab kev tshab xyuas cov ntaub ntawv ua suab los sis ntaub ntawv ua duab

Txhawm rau kaw tseg thiab sau tseg Tus Tub Ceev Xwm cov kev lees paub thiab cov kev nco uas tsis raug cuam tshuam los ntawm cov chaw muaj ntaub ntawv sab nrauv, Cov Tub Ceev Xwm Ua Tau Cuam Tshuam thiab Ua Pov Thawj Tim Khawv yuav tsis tshab xyuas cov ntaub ntawv ua suab los sis cov ntaub ntawv ua duab ua ntej kev ua kom tiav lawv Cov Ntawv Tshaj Tawm Ntawm Tub Ceev Xwm, los sis cov ntawv qhia nyob rau hauv Daim Tshaj Tawm Ntawm Tub Ceev Xwm, thiab yuav tsis tshab xyuas cov ntaub ntawv uas hais los ntawd tuaj tom qab yam tsis muaj Tus Thawj Coj li kev tso cai.

#### IV. Cov Txheej Txheem

##### A. Cov Txheej Txheem Kev Tshaj Tawm Nyob Rau Hauv Qhov Chaw Muaj Xwm Txheej

1. Kev Ceeb Toom Txog Qhov Xwm Txheej Tseem Ceeb
  - a. Sai li sai tau thaum uas Qhov Xwm Txheej Tseem Ceeb tshwm sim, Tus Tub Ceev Xwm Uas Ua Pov Thawj Tim Khawv los sis Tau Cuam Tshuam yuav ceeb toom kiag tam sim ntawd mus rau lawv tus thawj coj saib xyuas hauj lwm thiab MECC tus neeg xa xov tias tshwm sim muaj Qhov Xwm Txheej Tseem Ceeb lawm.
  - b. MECC yuav xa cov ntawv xa xov kiag tam sim ntawd raws li MECC tus qauv cai thiab ceeb toom rau us Thawj Coj Saib Xyuas Ntawm Lub Chaw Zov paub.

2. Tus Thawj Coj Saib Xyuas Qhov Xwm Txheej Cov Luag Hauj Lwm:

Tus Thawj Coj Saib Xyuas Qhov Xwm Txheej yuav:

- a. Tshaj tawm rau saum huab cua tias lawv yog Tus Thawj Coj Saib Xyuas Qhov Xwm Txheej.
- b. Ua kom ntseeg siab tias qhov chaw muaj xwm txheej muaj kev nyab xeeb.
- c. Muab kev pab xub thawj yog tias muaj kev tsim nyog.
- d. Tu ciam qhov chaw muaj xwm txheej kev ua phem thiab ceev kom cheeb tsam muaj xwm txheej kev ua phem muaj kev ruaj ntseg.
- e. Txiav txim qhov kev txheeb xyuas Cov Tub Ceev Xwm Uas Tau Cuam Tshuam thiab Ua Pov Thawj Tim Khawv.
- f. Txiav txim qhov kev txheeb xyuas Cov Tub Ceev Xwm Uas Ua Pov Thawj Tim Khawv.
- g. Txais Daim Ntawv Qhia Txog Kev Nyab Xeeb Ntawm Zej Tsoom los ntawm Cov Tub Ceev Xwm Uas Tau Cuam Tshuam.
- h. Muab Cov Tub Ceev Xwm Uas Tuaj Nrog Cob rau Cov Tub Ceev Xwm Uas Tau Cuam Tshuam thiab Ua Pov Thawj Tim Khawv.
- i. Kom Cov Tub Ceev Xwm Uas Tau Cuam Tshuam thiab Ua Pov Thawj Tim Khawv uas tau sib cais los ntawm lwm tus.
- j. Txheeb xyuas cov ua pov thawj tim khawv uas yog pej xeem neeg thiab kom lawv sib cais los ntawm lwm tus.

- k. Xaiv tus tub ceev xwm los ua kom tiav Daim Ntawv Tshaj Tawm Ntawm Tub Ceev Xwm.
  - l. Pov thaiv qhov zoo thiab qhov ncaj nees ntawm cov ntaub ntawv ua suab thiab ua duab los ntawm kev ua kom ntseeg siab tias cov kev kaw tseg MVR tsis raug tso mloog los sis raug tshab xyuas nyob rau hauv pab pawg neeg ua hauj lwm cov tsheb thiab cov ntawv BWC tsis raug tshab xyuas ua ntej txheeb sau los ntawm Lub Chaw Tshawb Fawb Txog Kev Ua Phem tus neeg ua hauj lwm.
  - m. Nyob twj ywm hauv qhov chaw muaj xwm txheej txhawm rau sib tham nrog thiab uas kev xaus lus nrog Cov Neeg Tshawb Xyuas thaum lawv tuaj txog rau ntawm qhov chaw muaj xwm txheej. Txheeb xyuas txhua Cov Xwm Uas Tau Cuam Tshuam, Cov Tub Ceev Xwm Uas Ua Pov Thawj Tim Khawv, los sis lwm cov neeg ua pov thawj tim khawv, thiab lwm cov pov thawj uas tau paub nyob rau hauv qhov chaw muaj xwm txheej rau Cov Neeg Tshawb Xyuas.
3. Cov Ntawv Qhia Txog Kev Nyab Xeeb Ntawm Zej Tsoom
- a. Tus Thawj Coj Saib Xyuas Qhov Xwm Txheej yuav nug Cov Tub Ceev Xwm Uas Ua Pov Thawj Tim Khawv thiab Tau Cuam Tshuam cov lus nug txhawm rau:
    - i. Txiav txim seem kev tua phom txhawm rau nrhiav seb puas muaj leej twg raug mob.
    - ii. Txiav txim qhov chaw uas muaj tej kev tua phom los sis siv cov riam phom uas muaj kev phom sij uas tau paub.
    - iii. Txiav txim seb puas muaj tej cov neeg uas xav tias muaj kev txhaum uas tseem tshuav, lawv cov kev piav qhia, seem kev ntawm qhov kev mus, tsheb, cov riam phom uas lawv muaj thiab cov kev ua phem uas lawv tau tsim muaj.
    - iv. Muab cov kev qhia meej tseeb txhawm rau ua kom cov neeg muab kev pab xub thawj los sis cov neeg tshawb xyuas ceev tau kev ruaj ntseg ntawm qhov chaw muaj xwm txheej.
    - v. Muab yam pab kev yooj yim rau qhov kev pib qhov kev tshawb xyuas.
    - vi. Pab ua kom tub ceev xwm los sis pej xeeb neeg muaj kev nyab xeeb nyob rau ntawm qhov chaw muaj xwm txheej.
  - b. Vim yog yuav tsum tau ua kev nqis tes tam sim ntawd, tus tub ceev xwm thiaj li tsis muaj cai tos kev ua tus sawv cev ua ntej teb cov lus nug txog kev Nyab Xeeb Ntawm Zej Tsoom uas muaj ciam txwv.

#### 4. Kev Tshawb Xyuas Qhov Chaw Muaj Xwm Txheej

- a. MPD lub chaw saib xyuas Kev Tua Neeg Cov Neeg Tshawb Xyuas thiab lub chaw saib xyuas Hauj Lwm Sab Hauv Cov Neeg Tshawb Xyuas yuav tsum muaj vaj huam sib luag rau kev nkag mus rau hauv qhov chaw muaj xwm txheej thiab tsim nyog saib qhov chaw muaj xwm txheej thiab tej pov thawj ua ke nyob ntawm qhov chaw muaj xwm txheej.
- b. MPD Lub Chaw Tshawb Fawb Kev Ua Phem tus neeg ua hauj lwm yuav txheeb sau cov pov thawj uas tau txheeb xyuas raws li lus txib ntawm Lub Chaw Ua Hauj Lwm Tshawb Xyuas thiab Lub Chaw Saib Xyuas Hauj Lwm Sab Hauv Cov Neeg Tshawb Xyuas, uas suav nrog cov kev kaw tseg MVR los ntawm txhua pab pawg neeg ua hauj lwm nyob rau hauv qhov chaw muaj Qhov Xwm Txheej Tseem Ceeb (saib raws li P&P 4-218) thiab cov ntaub ntawv ntawm Lub Koob Thaij Uas Tau Nruab Rau Lub Cev (saib raws li P&P 4-223).
- c. Txhua Tus Neeg Tshawb Xyuas nyob rau ntawm qhov chaw muaj xwm txheej kev ua phem yuav ua kom tiav nqe lus nyob rau hauv Daim Ntawv Tshaj Tawm Ntawm Tub Ceev Xwm.

### **B. Cov Txheej Txheem rau Cov Tub Ceev Xwm Uas Tau Cuam Tshuam thiab Ua Pov Thawj Tim Khawv**

#### 1. Kev Pab Txhawb Cov Tub Ceev Xwm Tom Qab Qhov Xwm Txheej Tseem Ceeb

Cov tub ceev xwm uas tau cuam tshuam rau hauv Cov Xwm Txheej Tseem Ceeb, tsis hais yuav yog Cov Tub Ceev Xwm Uas Ua Pov Thawj Tim Khawv los sis Tau Cuam Tshuam los xij, yeej tuaj yeem raug feem cuam tshuam tsis zoo loj los ntawm qhov xwm txheej thiab. Txoj hauv kev saib xyuas Tus Tub Ceev Xwm Uas Ua Pov Thawj Tim Khawv los sis Tau Cuam Tshuam nyob rau ncuaj sij hawm tom qab qhov xwm txheej tseem ceeb tuaj yeem txo tau los sis nce ntxiv feem cuam tshuam tsis zoo rau fab siab ntsws rau lawv. Yog li ntawd, ua ntej tshaj plaws, leej twg los xij uas ua hauj lwm nrog rau Tus Tub Ceev Xwm Uas Ua Pov Thawj Tim Khawv los sis Tau Cuam Tshuam tsim nyog nco cov qauv cai kev qhia txuas mus no rau hauv siab txhua sij hawm:

- Muab txhua tej tus tub ceev xwm cov kev xav tau saib ua qhov tseem ceeb. Kev chwv tub ceev xwm yuav tsum tau txais kev ntsuam xyuas raws tej tug. Feem ntau lawm cov tub ceev xwm yuav hnov tau muaj kev ntxhov siab ntau los ntawm cov neeg uas xav nplij lawv. Ua ntej yuav ua tib zoo los sib tham nrog tus tub ceev xwm, ces thov nug Tus Neeg Nrog Tuaj uas koom nrog tus tub ceev xwm txhawm rau saib seb tus tub ceev xwm puas xav ntsib koj tso. Yog tias tus tub ceev xwm yeej tsis kam ntsib leej twg li, ces thov ua raws li lawv qhov kev txiav txim.
- Vim yog Cov Tub Ceev Xwm Uas Ua Pov Thawj Tim Khawv los sis Tau Cuam Tshuam tuaj yeem raug feem cuam tshuam tsis zoo loj los ntawm Cov Xwm

Txheej Tseem Ceeb, lawv thiaj li tsis tsim nyog yuav nyob ib leeg los sis nyob yam uas tsis muaj kev saib xyuas.

- Zam kev tsim ua rau cov tub ceev xwm hnov tau tias zoo li yog tus neeg uas xam tias muaj kev txhaum.

2. Kev Tswj Xyuas Cov Tub Ceev Xwm Uas Tau Cuam Tshuam

- a. Cov Tub Ceev Xwm Uas Tau Cuam Tshuam uas nyob ntawm qhov chaw uas muaj xwm txheej
  - i. MPD Tus Thawj Coj Saib Xyuas Qhov Xwm Txheej yuav txiav txim seb cov tub ceev xwm puas yog Cov Tub Ceev Xwm Uas Tau Cuam Tshuam. Tus Thawj Coj Saib Xyuas Qhov Xwm Txheej uas nyob ntawm qhov chaw muaj xwm txheej yuav cob Tus Neeg Nrog Tuaj los nyob nrog txhua Tej Tus Tub Ceev Xwm Uas Tau Cuam Tshuam tam sim ntawd kom txog thaum Tus Neeg Tshawb Xyuas Txog Kev Tua Neeg tso cai tawm mus tso. Yuav tau cob Ib Tus Neeg Nrog Tuaj rau Ib Tus Tub Ceev Xwm. Thaum twg los xij tsuav ua tau, Cov Neeg Nrog Tuaj uas tau muab cob rau Cov Tub Ceev Xwm Uas Tau Cuam Tshuam yuav tsum yog nyob rau qib tus tub rog loj (sergeant) los sis siab tshaj ntawd thiab yuav tsis yog Tus Thawj Coj Saib Xyuas Qhov Xwm Txheej.
  - ii. Cov Tub Ceev Xwm Uas Tau Cuam Tshuam yuav tsis nrog leej twg tham nyob rau ntawm qhov chaw muaj xwm txheej hais txog qhov xwm txheej, tshwj tsis yog Tus Thawj Coj Saib Xyuas Qhov Xwm Txheej, Tus Thawj Coj Tshawb Xyuas los sis tus kws sab laj fab kev cai lij choj thiab txhawm rau muab Daim Ntawv Qhia Txog Kev Nyab Xeeb Ntawm Zej Tsoom rau Tus Thawj Coj Saib Xyuas Qhov Xwm Txheej.
  - iii. Cov Tub Ceev Xwm Uas Tau Cuam Tshuam yuav tsis raug txwv nkag mus cuag tus kws sab laj fab kev cai lij choj nyob rau ntawm qhov chaw muaj xwm txheej.
  - iv. Sai li sai tau, Cov Neeg Nrog Tuaj yuav coj Cov Tub Ceev Xwm Uas Tau Cuam Tshuam tawm ntawm qhov chaw muaj xwm txheej mus rau ntawm lub chaw txheeb sau kev kuaj yeeb tshuaj thiab cawv uas tau teeb tseg raws li P&P 3-1001. Tom qab tau txais cov qauv kuaj, Cov Neeg Nrog Tuaj yuav tau thauj Cov Tub Ceev Xwm Uas Tau Cuam Tshuam mus rau ntawm Cov Chaw Ua Hauj Lwm Loj-Tus Tub Ceev Xwm Uas Tau Cuam Tshuam Chav.
  - v. Cov Neeg Nrog Tuaj yuav tsum tau muab Cov Tub Ceev Xwm Uas Tau Cuam Tshuam cais tawm ntawm lwm Cov Tub Ceev Xwm Uas Tau Cuam Tshuam thiab Ua Pov Thawj Tim Khawv.
  - vi. Tshwj tsis yog tus thawj coj saib xyuas hauj lwm muaj laj thawj ntseeg tias tus tub ceev xwm yuav tsim ua rau muaj kev phom sij rau tus kheej los sis lwm tus, los sis tshwj tsis yog tau txais lus qhia los ntawm Cov Neeg Tshawb Xyuas, Cov Tub



Ceev Xwm siv cuab yeej riam phom yuav tsis tsim nyog siv nyob rau ntawm qhov chaw muaj xwm txheej.

- vii. Cov Tub Ceev Xwm Ua Txoj Hauj Lwm no tsis tsim nyog raug muab tso rau hauv lub rooj zaum tom qab ntawm lub tsheb.
- b. Nyob rau ntawm Cov Chaw Ua Hauj Lwm Loj- Tus Tub Ceev Xwm Uas Tau Cuam Tshuam Chav
- i. Yog tias Cov Tub Ceev Xwm Uas Tau Cuam Tshuam thov, ces lawv yuav tsis raug txwv nkag mus siv yam uas tsis muaj zoo laj thawj:
- Khoom noj thiab khoom haus
  - Cov yam pab kev yooj yim ntawm chav dej
  - Xov tooj txuas lus rau cov neeg hlub tshuav
  - Tus sawv cev los ntawm Lub Koom Haum los sis lwm tus kws sab laj fab kev cai lij choj
  - Tus sawv cev los ntawm MPD Lub Khoos Kas Chaw Muaj Ntaub Ntawv Rau Neeg Ua Hauj Lwm los sis tus tswv cuab ntawm pab pawg neeg ua hauj lwm pab txhawb phooj ywg uas muab kev pab.
  - Tus Coj Kev Fab Kev Ntseeg Hauv Zej Zog los sis lwm tus txiv plig
- ii. Yog tias muaj kev thov los ntawm Cov Neeg Tshawb Xyuas, ces Cov Tub Ceev Xwm Uas Tau Cuam Tshuam yuav tsum npaj lawv tus kheej kom txhij rau qhov kev kuaj xyuas cov phom thiab yuav tau muab lawv cov phom thiab lwm cov cuab yeej ua tau thov cob rau Cov Neeg Tshawb Xyuas. Cov Neeg Tshawb Xyuas Kev Tua Neeg yuav saib xyuas Tus Tub Ceev Xwm rab phom, muab nws tso rau hauv lub hnab uas yog ntawv thiab muab nws tso rau hauv lub tub rau pov thawj nyob rau hauv Cov Chaw Ua Hauj Lwm Loj Txog Kev Tshawb Xyuas yog tias Lub Chaw Tshawb Fawb Kev Ua Phem tus neeg ua hauj lwm tsis khoom saib xyuas riam phom tam sim ntawd. Lub tub rau pov thawj yuav raug xauv kiag tam sim ntawd tom qab ntim cov phom rau hauv. Lub Tshawb Fawb Kev Ua Phem tus neeg ua hauj lwm yuav tshem tawm tus tub ceev xwm rab yaj phom los ntawm lub tub xauv thiab ua kev lis raws li P&P 10-400.
- iii. Cov Tub Ceev Xwm Uas Tau Cuam Tshuam yuav muab cov phom thiab cov cuab yeej hloov pauv kom sai li sai tau.
- iv. Cov Tub Ceev Xwm Uas Tau Cuam Tshuam yuav tau txais kev tso cai kom cia muab hwmv tsam yam uas muaj zoo laj thawj los sib tham nrog cov neeg sawv cev Ntawm Koom Haum, tus kws sab laj fab kev cai lij choj, Tus Coj Kev Fab Kev Ntseeg Hauv Zej Zog los sis lwm tus txiv plig, thiab tus neeg ua hauj lwm ntawm MPD Lub Khoos Kas Chaw Muaj Ntaub Ntawv Rau Neeg Ua Hauj Lwm.
- v. Tom qab kev sib tham nrog tus kws sab laj fab kev cai lij choj, Cov Tub Ceev Xwm Uas Tau Cuam Tshuam los sis tus kws sab laj fab kev cai lij choj yuav qhia

rau Tus Thawj Coj Tshawb Xyuas los sis tus teeb tsa paub yog tias Cov Tub Cov Tub Ceev Xwm Uas Tau Cuam Tshuam txaus siab muab Daim Ntawv Qhia Txog Kev Yeem.

aa. Tsim nyog muab Cov Ntawv Qhia Txog Kev Yeem kom sai li sai tau, tab sis nyob rau hauv txhua cov xwm txheej tsis pub kom dhau 48 teev tom qab Qhov Xwm Txheej Tseem Ceeb txhawm rau ua kom ntseeg siab tias qhov kev tshawb xyuas yuav ua mus txuas ntxiv tshwj tsis yog tus tub ceev xwm uas tau cuam tshuam tsis tuaj yeem ua li ntawd.

ab. Cov Tub Ceev Xwm Uas Tau Cuam Tshuam cov ntawv qhia yuav tsum tau muab ntawm Lub Chaw Hauj Lwm Loj Txog Kev Tshawb Xyuas los sis lwm qhov chaw uas tau hais los ntawd uas tau xaiv los ntawm Tus Thawj Coj Tshawb Xyuas. Txhua cov ntawv qhia los ntawm cov tub ceev xwm uas tau cuam tshuam yuav ua nyob rau hauv tus qauv lus nug thiab lub teb (Q&A).

c. Hnub So Ntawm Kev Kav Tswj

i. Cov Tub Ceev Xwm Uas Tau Cuam Tshuam yuav tso nyob rau hauv hnub so ntawm kev kav tswj uas tau txais kev them nyiaj rau qhov tsawg kawg yog peb hnub raws li daim zwj qhia hnub tim tom qab Qhov Xwm Txheej Tseem Ceeb tshwj tsis yog tau thov los ntawm tus tub ceev xwm thiab tau pom zoo los ntawm Tus Thawj Coj los sis Tus Thawj Coj tus neeg teeb tsa. Hnub So ntawm kev kav tswj uas tau hais los ntawd tsis cheem kom Tus Tub Ceev Xwm ua raws cov cai teeb tseg ntawm txoj cai no.

ii. Tus tub ceev xwm yuav tsis ua txoj hauj lwm nyob sab nrauv lub luag hauj lwm uas tau hnav khaub ncaws los sis rov yuav thaum nyob rau Hnub So Ntawm Kev Kav Tswj (raws li P&P 3-800). Tej zaum tus tub ceev xwm yuav ua txoj hauj lwm nyob sab nrauv lub luag hauj lwm uas tsis hnav khaub ncaws, tsis yuam cai lij choj uas tau txais kev pom zoo thaum uas nyob rau hauv hnub so kav tswj "tos kev tshawb xyuas" ntawm tib qhov kev txiav txim ntawm Tus Thawj Coj los sis lawv tus neeg teeb tsa.

d. Tom Qab Kev Saib Xyuas Xwm Txheej Ceev Rau Cov Tub Ceev Xwm Uas Tau Cuam Tshuam

i. Kev qhia txog tej haujlwm rau ib pab neeg ua haujlwm.

Tej zaum Txhua Cov Tub Ceev Xwm Uas Tau Cuam Tshuam tau koom nrog kev nug tus phooj ywg ntawm pab pawg tau pab kev yooj yim los ntawm MPD Lub Khoos Kas Chaw Muaj Ntaub Ntawv Rau Neeg Ua Hauj Lwm los sis lwm Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws thiab tom qab qhov kev saib xyuas raws li kev tsim nyog.

## ii. Kev Nug Txog Kev Puas Siab Puas Ntsws

Txhua Cov Tub Ceev Xwm Uas Tau Cuam tshuam yuav tsum mus ntsib Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws uas tau xaiv los ntawm tus tub ceev xwm los ntawm daim npe uas tau txais kev pom zoo.

- aa. Lub rooj sib tham thiab cov rooj sib tham uas tau hais los ntawd yuav tsum raug xam tias yog lub sij hawm ua lub luag hauj lwm, thiab Lub Nroog yuav them cov nqi ntawm Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws raws li tau hais tseg nyob rau hauv Daim Ntawv Cog Lus Sib Tham Ua Ke.
- aa. Yog tias, tom qab kev sib sab laj, Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws yuav qhia lub tswv yim uas Tus Tub Ceev Xwm Uas Tau Cuam Tshuam tsis phim rau lub luag hauj lwm, Tus Tub Ceev Xwm Uas Tau Cuam Tshuam yuav raug muab tso rau hauv qib Tus Neeg Raug Mob Uas Ua Lub Luag Hauj Lwm (Injured on Duty, “IOD”), raws li Txoj Cai Muab Kev Pab Cuam Pej Xeem Ntawm Minneapolis 15.19(A). Yog tias Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws txiav txim tias tus tub ceev xwm tsis tuaj yeem rov qab mus ua hauj lwm nyob rau hauv tej lub luag hauj lwm tshwj xeeb tom qab tus tub ceev xwm cov txiaj ntsig IOD tag lawm, ces tej zaum tus tub ceev xwm tseem yuav muaj cai tau txais lub sij hawm so hauj lwm uas tau txais kev them nyiaj raws li Txoj Cai MN tshooj 299A.411 thiab cov cai uas cuam tshuam ntawm Daim Ntawv Cog Lus Ua Hauj Lwm thiab lwm Cov Cai Muab Kev Pab Cuam Pej Xeem.
- ab. Tej cov kev tsis sib haum xeeb hais txog tus tub ceev xwm li kev muaj peev xwm rov qab mus ua hauj lwm yuav tsum raug daws raws li Daim Ntawv Cog Lus Sib Sab Laj Ua Ke.
- ac. Kev txiav txim rov qab mus ua hauj lwm thiab yuav tau nthuav tawm cov ntaub ntawv rau Tus Thawj Coj Tub Ceev Xwm los ntawm Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws ua ntej Tus Tub Ceev Xwm Uas Tau Cuam Tshuam tau rov qab mus ua hauj lwm.

## 3. Kev Tswj Cov Tub Ceev Xwm Uas Ua Pov Thawj Tim Khawv

- a. Cov Tub Ceev Xwm Ua Pov Thawj Tim Khawv ntawm qhov chaw muaj xwm txheej
  - i. Tus Thawj Coj Saib Xyuas Qhov Xwm Txheej yuav txiav txim seb cov tub ceev xwm puas yog Cov Tub Ceev Xwm Uas Ua Pov Thawj Tim Khawv. Kom sai li sai tau, Tus Thawj Coj Saib Xyuas Qhov Xwm Txheej yuav muab Tus Neeg Nrog Tuaj cob rau lwm Tus Tub Ceev Xwm Uas Ua Pov Thawj Tim Khawv. Yog tias ua tau, ib Tug Neeg Nrog Tuaj yuav raug muab cob rau lwm Tus Tub Ceev Xwm

Uas Ua Pov Thawj Tim Khawv. Cov Tub Ceev Xwm Uas Ua Lub Luag Hauj Lwm yuav tsum raug cais los ntawm lwm tus thiab lwm cov pov thawj tim khawv thiab yuav tsis sib tham nrog tej tug neeg nyob ntawm qhov chaw uas muaj xwm txheej hais txog qhov xwm txheej tsis yog Tus Thawj Coj Saib Xyuas Qhov Xwm Txheej, Tus Thawj Coj Tshawb Xyuas los sis tus kws sab laj fab kev cai lij choj thiab muab Daim Ntawv Qhia Txog Kev Nyab Xeeb Ntawm Zej Tsoom.

- ii. Cov Tub Ceev Xwm Uas Tau Ua Pov Thawj Tim Khawv yuav tau txais kev tso cai kom cia muab hwm tsam yam uas muaj zoo laj thawj los sib tham nrog tus kws sab laj fab kev cai lij choj nyob ntawm qhov chaw muaj xwm txheej.
  - iii. Kom ceev li ceev tau tom qab Daim Ntawv Qhia Txog Kev Nyab Xeeb Ntawm Zej Tsoom, Cov Tub Ceev Xwm Ua Pov Thawj Tim Khawv yuav raug tso tawm los ntawm qhov chaw muaj xwm txheej los ntawm Tus Thawj Coj Tshawb Xyuas thiab tau qhia kom lis rau Cov Chaw Hauj Lwm Loj Txog Kev Tshawb Xyuas. Tus Coj Tshawb Xyuas yuav qhia Tus Thawj Coj Saib Xyuas Qhov Xwm Txheej paub txog tej cov tub ceev xwm uas raug tso tawm los ntawm qhov chaw muaj xwm txheej. Cov Tub Ceev Xwm Uas Ua Pov Thawj Tim Khawv yuav raug qhia tias lawv tos ntawm Cov Chaw Ua Hauj Loj Txog Kev Tshawb Xyuas rau lub hwm tsam uas yuav sib tham nrog tus kws sab laj fab kev cai lij choj, Tus Coj Kev Fab Kev Ntseeg Hauv Zej Zog los sis lwm tus txiv plig, tus neeg ua hauj lwm ntawm MPD Lub Khoos Kas Chaw Muaj Ntaub Ntawv Rau Neeg Ua Hauj Lwm.
- b. Cov Tub Ceev Xwm Ua Pov Thawj Tim Khawv ntawm Cov Chaw Ua Hauj Lwm Txog Kev Tshawb Xyuas
- i. Cov Tub Ceev Xwm Ua Pov Thawj Tim Khawv yuav tau txais lub hwm tsam los ntsib Tus Coj Kev Fab Kev Ntseeg Hauv Zej Zog los sis lwm tus txiv plig, tus sawv cev ntawm Lub Khoos Kas Chaw Muaj Ntaub Ntawv Rau Neeg Ua Hauj Lwm uas lis hauj lwm thiab sib sab laj nrog tus kws sab laj fab kev cai lij choj los sis cov sawv cev ntawm Lub Koom Haum.
  - ii. Tom qab cov kev sib sab laj, cov ntawv qhia uas tau hais los ntawd los ntawm Cov Tub Ceev Xwm Ua Pov Thawj Tim Khawv yuav tau ua los ntawm Tus Neeg Tshawb Xyuas Txog Kev Tua Neeg ua ntej cov tub ceev xwm yuav raug tso tawm los ntawm lub luag hauj lwm tshwj tsis yog tau qhia los ntawm Cov Neeg Tshawb Xyuas Txog Kev Tua Neeg. Txhua cov ntawv qhia los ntawm Cov Tub Ceev Xwm Ua Pov Thawj Tim Khawv yuav ua nyob rau hauv daim qauv lus nug thiab lus teb (Q & A)
  - iii. Yog tias muaj kev thov los ntawm Cov Neeg Tshawb Xyuas, ces Cov Tub Ceev Xwm Ua Pov Thawj Tim Khawv yuav tsum npaj lawv tus kheej kom txhij rau qhov kev kuaj xyuas cov phom thiab yuav tau muab lawv cov phom thiab lwm cov cuab yeej ua tau thov cob lawv. Cov Neeg Tshawb Xyuas Kev Tua Neeg yuav saib xyuas Tus Tub Ceev Xwm Ua Pov Thawj rab phom, muab nws tso rau hauv lub hnab uas yog ntawv thiab muab nws tso rau hauv lub tub rau pov thawj

nyob rau hauv Cov Chaw Ua Hauj Lwm Loj Txog Kev Tshawb Xyuas yog tias Lub Chaw Tshawb Fawb Kev Ua Phem tus neeg ua hauj lwm tsis khoom saib xyuas riam phom tam sim ntawd. Lub tub rau pov thawj yuav raug xauv kiag tam sim ntawd tom qab ntim cov phom rau hauv. Lub Tshawb Fawb Kev Ua Phem Tus Neeg Ua Hauj Lwm yuav tshem tawm tus tub ceev xwm rab yaj phom los ntawm lub tub xauv thiab ua kev lis (raws li P&P 10-400).

- iv. Cov Tub Ceev Xwm Ua Pov Thawj Tim Khawv yuav muab cov phom thiab cov cuab yeej hloov pauv kom sai li sai tau.
- c. Hnub So Ntawm Kev Kav Tswj
- v. Tej zaum Tus Tub Ceev Xwm Uas Ua Pov Thawj Tim Khawv yuav raug muab tso rau hnub so kav tswj uas tau txais kev them nyiaj txog peb hnub raws li daim zwj qhia hnub tim tom qab Qhov Xwm Txheej Tseem Ceeb. Yuav tsum txiav txim muab daim ntawv thov ntawm tib qhov kev txiav txim ntawm Tus Thawj Coj los sis lawv tus neeg teeb tsa. Txiav txim siab seb puas yuav tau txais kev tso cai rau hnub so kev kav tswj uas tau txais kev them nyiaj, yuav tau txuas lus rau Tus Tub Ceev Xwm Uas Ua Pov Thawj Tim Khawv tam sim los ntawm lawv tus thawj coj saib xyuas los sis tus thawj coj saib xyuas tus neeg teeb tsa. Hnub So ntawm kev kav tswj uas tau hais los ntawd tsis cheem kom Tus Tub Ceev Xwm ua raws cov cai teeb tseg ntawm txoj cai no.
  - i. Yog tias tus tub ceev xwm tau txais hnub so uas tau txais kev them nyiaj, ces tus tub ceev xwm yuav tsis ua txoj hauj lwm nyob sab nrauv lub luag hauj lwm uas tau hnav khaub ncaws los sis Rov Qab Yuav thaum uas nyob rau hauv Hnub So Ntawm Kev Kav Tswj. Tej zaum tus tub ceev xwm yuav ua txoj hauj lwm nyob sab nrauv lub luag hauj lwm uas tsis hnav khaub ncaws, tsis yuam cai lij choj uas tau txais kev pom zoo thaum uas nyob rau hauv hnub so kav tswj "tos kev tshawb xyuas" ntawm tib qhov kev txiav txim ntawm Tus Thawj Coj los sis lawv tus neeg teeb tsa.
- d. Tom Qab Kev Saib Xyuas Qhov Xwm Txheej Rau Cov Tus Neeg Ua Pov Thawj Tim Khawv
- i. Kev Nug Tus Phooj Ywg
- Txhua Cov Tub Ceev Xwm Ua Pov Thawj Tim Khawv tau koom nrog kev nug tus phooj ywg ntawm pab pawg uas yooj yim los ntawm tus neeg sawv cev ntawm MPD Lub Khoos Kas Chaw Muaj Ntaub Ntawv Rau Neeg Ua Hauj Lwm los sis lwm Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws uas tau teeb tsa thiab yuav koom nrog tom qab qhov kev saib xyuas, yog tias phim.

- ii. Kev Nug Txog Kev Puas Siab Puas Ntsws
- aa. Txhua Cov Tub Ceev Xwm Ua Pov Thawj uas tau txais hnuv so uas tau txais kev them nyiaj yuav tsum mus ntsib Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws uas tau xaiv los ntawm tus tub ceev xwm los ntawm daim npe uas tau txais kev pom zoo.
- ab. Txhua Cov Tub Ceev Xwm Ua Pov Thawj Tim Khawv tsis nyob rau hauv hnuv so uas tau txais kev them nyiaj yuav tau txais kev pab txhawb thiab tau txais kev tso cai mus ntsib Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws uas tau xaiv los ntawm tus tub ceev xwm los ntawm daim npe uas tau txais kev pom zoo. Lub rooj sib tham thiab cov rooj sib tham uas tau hais los ntawd yuav tsum raug xam tias yog lub sij hawm ua lub luag hauj lwm, thiab Lub Nroog yuav them cov nqi ntawm Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws raws li Daim Ntawv Cog Lus Sib Tham Ua Ke.
- ac. Yog tias, tom qab kev sib sab laj, Tus Kws Kh Mob Tshwj Xeeb Saib Xyuas Kev Noj Qab Haus Huv Fab Siab Ntsws yuav qhia lub tswv yim uas Tus Tub Ceev Xwm Ua Pov Thawj tsis phim rau lub luag hauj lwm, Tus Tub Ceev Xwm Ua Pov Thawj yuav raug muab tso rau hauv qib Tus Neeg Raug Mob Uas Ua Lub Luag Hauj Lwm (Injured on Duty, “IOD”), raws li Daim Ntawv Cog Lus Ua Hauj Lwm. Yog tias Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws txiav txim tias tus tub ceev xwm tsis tuaj yeem rov qab mus ua hauj lwm nyob rau hauv tej lub luag hauj lwm tshwj xeeb tom qab tus tub ceev xwm cov txiaj ntsig IOD tag lawm, ces tej zaum tus tub ceev xwm tseem yuav muaj cai tau txais lub sij hawm so hauj lwm uas tau txais kev them nyiaj raws li cov cai uas cuam tshuam ntawm Daim Ntawv Cog Lus Ua Hauj Lwm.
- ad. Tej cov kev tsis sib haum xeeb hais txog Tus Tub Ceev Xwm li kev muaj peev xwm rov qab mus ua hauj lwm yuav tsum raug daws raws li Daim Ntawv Cog Lus Ua Hauj Lwm.
- ae. Tom qab kev sib sab laj, kev txiav txim rov qab mus ua hauj lwm thiab yuav tau nthuav tawm cov ntaub ntawv rau Tus Thawj Coj Tub Ceev Xwm los ntawm Tus Kws Kho Mob Tshwj Xeeb Saib Xyuas Kev Noj Qab Haus Huv Fab Siab Ntsws. Nyob rau qhov xwm txheej ntawm Tus Tub Ceev Xwm Uas Ua Pov Thawj Tim Khawv nyob rau hauv hnuv so kav tswj uas tau txais kev them nyiaj, phim rau kev txiav txim ua lub luag hauj lwm thiab nthuav tawm cov ntaub ntawv rau Tus Thawj Coj Tub Ceev Xwm ua ntej tau rov qab mus ua lub luag hauj lwm.

**C. Kev Sib Sab Laj Nrog Tus Kws Sab Laj Fab Kev Cai Lij Choj**

1. Cov Tub Ceev Xwm Uas Tau Cuam Tshuam thiab Ua Pov Thawj Tim Khawv tau txais kev tso cai los sib sab laj nrog lawv tus kws sab laj fab kev cai lij choj nyob rau ncuva sij hawm tos Kev Tshawb Xyuas Xwm Txheej Tseem Ceeb, txog thiab uas suav nrog cov kev hais plaub ntawm pab pawg neeg txiav txim plaub ntug loj.
  - a. Lub rooj sib tham thiab cov rooj sib tham uas muaj zoo laj thawj thiab tsim nyog uas tau hais los ntawd yuav tsum raug xam tias yog lub sij hawm uas ua lub luag hauj lwm thiab cov nqi ntawm tus kws sab laj fab kev cai lij choj tej zaum yuav muaj cai tau txais kev them nyiaj los ntawm Lub Nroog raws li Tshooj 466 ntawm Xeev Minnesota Txoj Cai thiab Lub Nroog txoj cai sau nqi fab kev cai lij choj.
  - b. Cov tub ceev xwm yuav lav ris ntiag tug rau kev them cov nqi fab kev cai lij choj uas tshaj li tus nqi them raws teev sij hawm uas tau teeb tseg cia nyob rau hauv Nroog txoj cai sau nqi fab kev cai lij choj.
2. Nws yog qhov zoo li ib txwm rau Cov Xwm Txheej Tseem Ceeb uas yuav tsim ua rau muaj kev foob rau pej xeeb rau hauv Nroog thiab cov tub ceev xwm. Ua raws li Nroog txoj cai tiv thaiv thiab nyiaj them rau yam uas ploj mus, Tus Kws Lij Choj Hauv Nroog Minneapolis txoj cai, tam li yog tus kws sab laj fab kev cai lij choj rau Nroog Minneapolis, yuav tiv thaiv Nroog thiab *nws cov neeg hauj lwm nyob rau hauv rooj plaub uas tau hais los ntawd*. Yog li ntawd, nws yog qhov tseem ceeb heev uas yuav tsum npaj tiv thaiv tej qhov kev foob uas muaj feem tshwm sim tam sim tom qab Qhov Xwm Txheej Tseem Ceeb uas Tus Kws Lij Choj Hauv Lub Nroog lub chaw ua hauj lwm tuaj yeem tshawb xyuas Qhov Xwm Txheej Tseem Ceeb yam txwm nkaus kom sai li sai tau. Rau lub laj thawj ntawd, Cov Tub Ceev Xwm Uas Ua Pov Thawj Tim Khawv thiab Tau Cuam Tshuam tib si yuav tsum ntsib thiab koom nrog Feem Hauj Lwm Saib Xyuas Kev Ncaj Ncees ntawm Tus Kws Lij Choj Hauv Nroog lub chaw hauj lwm thaum phim nyob rau hauv nws cov kev tshawb xyuas thiab pov thaiv qhov xwm txheej uas yuav tshwm sim.

**D. Cov Hauj Lwm Sab Hauv**

Lub Chaw Ua Hauj Lwm Sab Hauv yuav lav ris rau kev coj ua Kev Tshawb Xyuas Kev Kav Tswj ntawm txhua Cov Xwm Txheej Tseem Ceeb thiab yuav tshawb xyuas tib txhij nrog Cov Neeg Tshawb Xyuas Txog Kev Tua Neeg ua ke. IAU Tus Thawj Coj Saib Xyuas los sis Tus Thawj Coj Saib Xyuas tus neeg teeb tsa yuav yog Tus Thawj Coj Tus Sawv Cev nyob rau hauv qhov chaw muaj xwm txheej.

1. Kev Nkag Mus Rau Hauv Qhov Chaw Muaj Xwm Txheej

MPD Cov Neeg Tshawb Xyuas Txog Kev Tua Neeg thiab Lub Chaw Ua Hauj Lwm Sab Hauv muaj kev nkag mus rau hauv qhov chaw muaj xwm txheej, qhov pov thawj, qhov pov thawj tim khawv ntawm pej xeeb thiab txhua cov ntaub ntawv kev tshawb xyuas tau txais nyob ntawm qhov chaw muaj xwm txheej sib npaug zog.

2. Cov Kev Xam Phaj Ncua Ntawm Tus Neeg Uas Xam Tias Muaj Kev Txhaum thiab Tus Ua Pov Thawj Tim Khawv

Cov Neeg Tshawb Xyuas Txog Kev Tua Neeg yuav ua kom ntseeg siab tias txhua cov kev xam phaj ncua ntawm tus neeg xam tias muaj kev ua txhaum thiab tus ua pov thawj tim khawv tseem ceeb tau ua tiav nyob rau hauv cov chaw xam phaj uas tau kuaj xyuas thiab tau sau tseg nyob ntawm Cov Chaw Ua Hauj Lwm Loj Txog Kev Tshawb Xyuas. IAU yuav tau txais kev ceeb toom hais txog cov kev xam phaj thiab tej zaum yuav soj saib cov kev xam phaj los ntawm cov neeg kuaj xyuas nyob rau hauv Cov Chaw Ua Hauj Lwm Txog Kev Tshawb Xyuas.

3. Cov Ntaub Ntawv Kev Tshawb Xyuas thiab Qhov Pov Thawj Txhab Ntxiv

Cov Neeg Tshawb Xyuas Txog Kev Tua Neeg yuav ceeb toom nyob rau hauv tus yam ntxwv uas ncav sij hawm thiab muab cov ntaub ntawv kev tshawb xyuas rau Cov Neeg Tshawb Xyuas IAU los ntawm cov chaw muaj ntaub ntawv uas tsis nyob rau hauv qhov chaw muaj xwm txheej, cov ntawv tshaj tawm txog kev tshawb xyuas los sis qhov pov thawj txhab ntxiv raws li cov txheej txheem kev tshawb xyuas. IAU yuav tuaj yeem nkag mus rau hauv txhua cov ntaub ntawv sau tseg, cov ntawv qhia thiab qhov pov thawj txog kev tshawb xyuas uas raug txheeb sau nyob rau ncua sij hawm kev tshawb xyuas plaub ntug. Qhov pov thawj uas tau sau nyob rau ncua sij hawm tej Qhov Xwm Txheej Tseem Ceeb yuav tsis raug tso tawm yam tsis muaj IAU qhov kev pom zoo.